



Үндэсний виз мэдүүлэх заавар

Хэлний курсэд сурах виз (Германы Оршин суух тухай хуулийн 16.f зүйл)

Үндсэн заавар

- Диплом, гэрчилгээ болон бусад баримт бичгийн эх хувийг өгнө. Таны визийн мэдүүлгийг шийдвэрлэсний дараа эх хувийг буцаан олгоно.
- Таны визийн мэдүүлгийг шийдвэрлэхийн тулд Герман дахь Гадаадын Харьгат Иргэдийн газраас зөвшөөрөл авдаг. Тус газраас зөвшөөрөл ирсний дараа виз олгох боломжтой.
- Визийн мэдүүлгийг шийдвэрлэх хугацаа нь 6 долоо хоног орчим байна. Зарим тохиолдолд илүү хугацаа орж болно.
- Визийн мэдүүлгийг өгөхдөө нислэгийн тийзийн захиалга өгөх шаардлагагүй.
- Визийн мэдүүлгийг шийдвэрлэх явцад ЭСЯ-наас нэмэлт бичиг баримт шаардаж болно.
- Бүрэн гүйцэд бус визийн мэдүүлэг өгөх нь шийдвэрлэх хугацааг удаашруулах бөгөөд цаашлаад татгалзах эрсдэлтэй.
- Визийн мэдүүлгийг шийдвэрлэх 6 долоо хоног дуусаагүй байхад лавлан асуух шаардлагагүй. Энэ нь визийн хэлтсийн ажлын ачааллыг нэмэгдүүлэх тул хүн бүрт тухайлан хариулах боломжгүй.
- Визийн мэдүүлгийг шийдвэрлэхэд олон хүчин зүйлс, нөхцөл байдлыг харгалзан шалгах учраас зааврын дагуу бичиг баримтаа бүрэн бүрдүүлж өгөх нь виз гарах баталгаа биш.
- Маягтыг визийн хэлтсээс үнэ төлбөргүй авах боломжтой. Виз мэдүүлэхэд үйлчилгээний хураамж төлөх бөгөөд тухайн хураамжийг виз татгалзсан, мэдүүлгээ буцаан авсан аль ч тохиолдолд эргүүлэн олгохгүй.
- Виз мэдүүлэх бичиг баримт бүрдүүлэхдээ ямар нэгэн байгууллага эсвэл гуравдагч этгээдийн туслалцаа, үйлчилгээг ашиглах шаардлагагүй. Өгсөн мэдүүлгийн хариуцлага, үр дагаврыг зөвхөн виз мэдүүлэгч өөрөө хариуцна.

Ерөнхий мэдээлэл

Германы Оршин суух тухай хуулийн 16.f зүйлд (§16f AufenthG) зааснаар гадаадын иргэнд хэлний курсэд сурах виз олгож болно.

Виз мэдүүлэгч нь ЭСЯ-ны Консулын хэлтэст биечлэн ирж бичиг баримтаа өгнө. 18 нас хүрээгүй виз мэдүүлэгч асран хамгаалах эрх бүхий хүмүүсийн хамт ирнэ. Эцэг эхийн аль нэг нь Германд амьдардаг бол нотариатаар баталгаажуулсан зөвшөөрлийг хавсаргана.



Визийн мэдүүлэгт өгөх бичиг баримтын жагсаалт

Визийн мэдүүлэгт өгөх бичиг баримтуудыг эх хувиас гадна 1 хувь хуулбарын хамт өгнө.
Англиас бусад хэл дээрх бичиг баримтыг герман орчуулгын хамт өгнө.

Бичиг баримтаа доорх дарааллаар эрэмбэлнэ үү.

1	Бүрэн гүйцэд бөглөсөн, виз мэдүүлэгч гарын үсгээ зурсан үндэсний визийн маягт 1 хувь ("VIDEX" маягт).	<input type="checkbox"/>
2	Биометрийн шаардлага хангасан 35*45 мм хэмжээтэй 2 хувь цээж зурагны нэгийг үндэсний визийн маягтын цээж зураг байрлах хэсэгт нааж хоёр дахь зургийг нь наалгүй авч ирнэ.	
3	Хүчинтэй гадаад паспорт	
4	Гадаад паспорт эзэмшигчийн хувийн мэдээлэл бүхий нүүрний хуулбар	
5	Ямар зорилгоор Германд хэлний курсэд сурах гэж байгаа талаар дэлгэрэнгүй тайлбар захидал (Motivationsschreiben).	
6	Германд хэлний курсэд бүртгүүлсэн баримт	
7	Өнөөг хүртэл сурсан герман хэлний мэдлэгийг нотлох баримт. Жишээ нь: <ul style="list-style-type: none">✓ ALTE стандартын дагуу хэлний мэдлэгийг шалгах эрх бүхий байгууллагаас олгосон сертификат✓ Deutsches Sprachdiplom (DSD)✓ Бүрэн дунд боловсролын үнэмлэхэд герман хэлний хичээл үзсэн, гүнзгийрүүлэн судалсан сурлагын дүн, хувь✓ Герман хэлний сургалттай сургууль, хэлний дамжаанд суралцсан баримтууд	

Амьжиргааны зардлыг санхүүжүүлэх баталгаа

Германд нэг сарын амьжиргааны хэмжээ багадаа 1027 Евро байх бөгөөд нэг жилийн баталгаа болох 12324 (арван хоёр мянга гурван зуун хорин дөрөв) Еврог визийн мэдүүлэгт өгнө. Үүнийг дараах баримтаар баталгаажуулна:

8.1	Германы Оршин суух тухай хуулийн 66-68-р зүйлд заасны дагуу албан ёсны батлан даалтын маягт (Verpflichtungserklärung). Энэхүү гуравдагч этгээдээр гаргуулсан батлан даалтанд Германд оршин суух зорилгыг тодорхой заах шаардлагатай. Дэлгэрэнгүй мэдээллийг батлан даагч өөрийн хотын Гадаадын иргэн харьяатын газраас, гадаадад амьдардаг бол Герман улсын төлөөлөгчийн газраас авах хэрэгтэй. Эсвэл	
8.2	Германы аль нэг банкинд хязгаартай ашиглах данс (Sperrkonto) нээлгэж нэг жилийн амьжиргааны баталгааг байршуулна. Германд хязгаартай данс нээхэд жуучилдаг байгууллагуудаас Та өөрөө сонгох бөгөөд дэлхий даяар жуучлалын үйлчилгээ үзүүлдэг байгууллагуудын жагсаалтыг Холбооны Гадаад хэргийн яамны цахим хуудаснаас авч болно.	
9	Германд нэвтрэн орох өдрөөс эхлээд нийт оршин суух хугацаанд хүчинтэй эрүүл мэндийн даатгал	

Энэхүү жагсаалтыг ЭСЯ тухайн цаг үеийн мэдлэг, дүгнэлт дээр үндэслэн гаргасан болно. Жагсаалтын бүрэн гүйцэд, үнэн зөв байдал ялангуяа цаг хугацааны хувьд гарч болох өөрчлөлтүүдийн өмнөөс ЭСЯ хариуцлага хүлээхгүй.



Монголоос өөр орны иргэншилтэй виз мэдүүлэгч	
10	Монгол Улсад удаан хугацаагаар оршин суух зөвшөөрөл
Хураамж	
11	Визийн хураамж 75 еврог монгол төгрөгөөр
Визийн мэдүүлгийн бүрэн гүйцэд байдал	
Визийн мэдүүлэгт шаардлагатай бичиг баримт бүрэн гүйцэд байгаа эсэх:	
<input type="checkbox"/> Гийм	
<input type="checkbox"/> Гүгүй, чагтлаагүй үлдсэн бичиг баримт/мэдээлэл дутуу	
Бүрэн гүйцэд бус визийн мэдүүлэг өгөх тухай мэдэгдэл	
Миний визийн мэдүүлэг бүрэн гүйцэд бус байгаа талаар надад мэдээлсэн. Бичиг баримт дутуу мэдүүлэг өгөх нь визийг татгалзах шалтгаан гэдгийг миний бие ойлгож байгаа бөгөөд визийн мэдүүлгээ өгөх хэвээр байгаа гэдгийг мэдэгдэж гарын үсгээ зурсан болно.	
_____ газар, огноо, гарын үсэг	